

Столинец

ВКП(б)-лан УАССР-ысь Иж Райкомезлэн но Райсполкомлэн органы.

№ 64 (526)

3 июль 1939 ар

Дуныз 5 коп.

СОЦИАЛИСТИЧЕСКОЙ СОБСТВЕННОСТЕЗ ВОЗЬМАНЫН

«СССР-лэн котькуд гражданинэз обязан утялтыны но юнматыны общественной, социалистической собственностез, советской стройлэсь священной но неприкосновенной основазэ кадь, вань трудящойёслэн зажиточной но культурной улонзылэсь источникэ кадь.

Общественной, социалистической собственностез выль покушаться кариськись муртёс калыклэн врагёсы луо».

Озы вера Сталинской Конституцилэн 131-тй статьяез.

Колхозной стройлэн основаеныз луэ колхозлэн общественной собственностез. Колхозлэн общественной собственностез бордын колхозникёслэн зажиточной но культурной улонзылэн источникэ. Соин ик колхозной, социалистической собственностез юнматон но утялтон понна котькудиз колхозник сьулмаськыны кулэ.

Общественной собственностезлэн значениез сярысь социализмлэсь лозунгэз асьме странаысь туж тросэз трудящойес умой валамо. Соос социалистической предприятиосын, бусыосын тыршыса ужало честно, озы тыни юнмато асьме страналэсь кужымзэ, калыклы шулдыр, шудо улон понна материальной благаос кылдыто.

Нош соин артэ, асьмелэн вань на бере кылем адымиос. Соос вылын вуж мелкобуржуазной привычкаос бадзым грузэн уло на. Отысен ик—сычэ муртёслэн рваческой мылкыд'ёсы, аслыс тросгес басьтыны государстволэсь, колхозлэсь, солы ожит сётыны.

Ведь тодмо, что асьме районин но колхозной общественной муз'емез разбазаривать карон фактёс бадзым инты басьтызы. Куд-ог рвачёс, лодырьёс колхозлэн муз'емез чот асьсэлэсь личной хозяйствозэс паськытатына, сое улонлэн основной источникенызы каризы.

Ваньмызлы сычослы пум пононо «Колхозёслэсь общественной

муз'ем'ёссэс разбазаривать каронлэсь возьманлэн мераосыз сярысь» 28 мае кутэм ВКП(б) ЦК-лэн но СНК-лэн постановленизы. Но со ас эрказ уз быдэсмы, сое быдэстон понна нуналмысь ужано, сое быдэстонэ колхозной массаосты организовывать кароно.

Районысь колхозёсын колхозной ваньбурез тус-тас карон фактёс но ожит өвёл. Сычэ фактёс сярысь газетмылэн кылем номераз ивортэмын вал. Тани, кылярысь, «Политотдел» колхозын 150 центнерлэсь трос ю-нянь сисытэмын, сёремын. Со выллем ик уж'эс вань «Красной Лудорвай», «Свобода» но кёня ке мукет колхозёсын. «Красной Лудорвай» колхозлэн азьло председателез Храмов нянь сисытэмлы но мукет'ёсызы ачиз ягыш луэ. Соин ик паймыны ик уг луы солы, что татын кизем эгез турнаса лушканы кутскемы. Яке Шаберды сельсоветысь «Виль улон» колхозын, татын но бусысы эгез турнаны кутскиллям.

Яке таңе факт. Кемалась ик өвёл «Передовик» колхозын тупатэмын вал МТС-лэн кык тракторёсыз. Сөбере кема ик дыр өз орты, тракторёслэн самой кулэ частьёсы лушканын вал.

Мае возматом выли верам фактёс?

Ми сямен одйгез. Колхозёслэн тросэз кивалтисыёсы колхозной общественной собственностез возьман понна но кычэ ответственностез уг шодо. Нош ведь колхозной ваньбурез тус-тас карон колхозез лябомытэ, сьулмаськыса ужась колхозникёслэн интересёсы шукуйтэ. Кемалась дыр вуэмын ини колхозной общественной собственностез тус-тас карисыёслы чурыт шукуйт сётыны.

Общественной, социалистической собственностез возьман понна нюр'яськон колхозной массаосты коммунистической духен воспитать каронлэн важнейшой орудиеныз луэ.

Государственной, колхозной ваньбурез утёнлы саклыкэз кужмоятоно.

Туринэз жог октон-калтон понна!

Районысь тросэз колхозёс турнаны потызы. Лудорвайской сельсоветысь «Ударник» колхозын 9,85 гектар, «Красной Лудорвай» колхозын — 13 но «Политотдел» колхозын — 10,30 гектар турнамын ини.

«Ударник» но «Красный Лудорвай» колхозёс та уез азинлыкэ быдэстон понна турнан бырытоз гуртазы бертылонтэм вылысь бригадаос вис'язы.

Та ужын ужась колхозникёс понна колхозёслэн правлениоснызы организовать каремын общественной питание но колан интыос тупатэмын.

Турнан интыын умой пуктэмын массовой уж. Отын пото бригадной борд газет'ёс. Ужез возьматысь но горд но сьод пул'ёс тупатэмын.

К. А.

Наркоминделын

1 июле Молотов эшен принять каремын вал английской посол г. Сиддз, французской посол г. Наджар но г. Стренг, куд'ёсыз Молотов эшли сётызы выль

англо-французской предложениосты. Беседа одйг час но жыны кытыськызы.

(ТАСС).

Рубеж'ёс сьöрын

Советской кинофильм «Ленин в 1918 году» али демонстрироваться кариське Нью-Йорклэн кинотеатр'ёсаз. Американской печать подчеркивать каре, что та кинофильм советской кинематографилэн синмаськымон достижененыз луэ.

Алигес чашыса (молниялэн удареныз) взорваться кариськиз Италиез но Швейцариез соединять карись сюрес вылысь швейцарец'ёсын лэстэм минированной туннель. Туннельын находится кариськиз итальянской разведчик виемын. Солэн сьöрысытэз секретной документ'ёс швейцарец'ёс кие сюремын.

Германия войнаен герзаськем выль мероприятиос ортычтэ. Германиялэн восточной границаосыз пала 100 сюрслэсь но уно рабочийёс ю октон-калтон понна келямын.

Гуандун провинцилэн юго-западной частьёсаз китайской властью японской шпионской организациез шараязы. Шпион'ёс пöлысь тросэз арестовать каремын.

Американской печатьлэн сообщениосыз'я берлю кызы ар кустын США-лэн страховой компаниосыз присвоить каризы одйг миллиард 400 сюрс долларлэсь но уно трудящойёслэсь сбережениоссэс.

Кылем арын США-ын пöртэм катастрофаос дыр'я 90 сюрс муртлэсь но уно адыми бырыз. Со

пöлысь 16 сюрслэсь но уноез производстоосын несчастной случайёслэн жертваосынызы луны но 32 сюрслэсь но тросэз автомобильной катастрофаос дыр'я бырыз.

Курильской остров'ёсын (Япония) японской рыбац'ёслэн забастовказы жутокыз, куд'ёсызы рыболовной компания уждунэс синэтиз. Полиция забастовкаез зйбиз но 12 рыбац'ёсты арестовать кариз.

1933—34 учебной арын Польшалэн высшой учебной заведениосаз 43 сюрс мурт дышегскиз. Дышеткисыёслэн материальной положенизы урод луэмен, соослэн лыдзы 37 сюрс сюрс муртоз синиз.

США-лэн сенатэз угвердить кариз выль бюджетной арын (туэ бюджетной ар бырыз 30 июне) безработнойёслы одйг миллиард тямыс миллион доллар ассигновать карон сярысь законопроектэз. Кылем бюджетной арын сярысь со сизым сюр витэтон миллиард долларлы ожит но вызвать кароз безработицалэсь эшишо трослы будонэз.

Японской захватчик'ёс китайской рыбац'ёсын туж зол расправлять карисько. 1937 арлэн сентябрь толэзысеныз 1939 арлэн май толэзэз гинэ 11 сюрс 3 сюрс чорыгасьёс виемын. Китайской рыбац'ёслэн материальной ыштон'ёсы 20 миллион доллар дун'ясько.

(ТАСС).

Фучжоулы но Вэньчжоулы японской блокада

Японской захватчик'ёс Китайын иностранной, нырысь ик английской интересёслы пумит активной деятельностиоссэс продолжать каро. Японец'ёс решить каризы оккупировать карыны Фузянь, Чжецзян провинцилэсь столицаоссэс — Фучжоу но Вэньчжоу город'ёсты.

Кыкез ик та город'ёс Китайлэн южной побережьеэзлэн бадзымесь город'ёсыныз но оживленной порт'ёсыныз луо, куд'ёсыз кемаласен ини усытэмын вал иностранной торговля понна. Японец'ёсын та город'ёсты захватить карон важнейшой английской военно-морской базаез Гонкогез почти солэн вань протяженияз южно-китайской побережье бордысь люке.

Али 18 японской корабльёс сосредоточить каремын Фучжоу но Вэньчжоу доры. Десятэз высадыть карон дасяське. Англичан'ёслэн но американец'ёслэн та кык порт'ёсысь иностранной корабльёс-

лэн кошконо луэмзы сярысь японской требованиосты быдэстыны отказаться кариськемы бере, японец'ёс объявить каризы военной операциослэсь кутсконзэс. Английской нылкышноос но нылпиос Фучжоуысь но Вэньчжоуысь вывезти каремын. Японской военной корабльёс фучжоуской портэ пыронэ заграждениос тупатэны но минаос пуктызы. Английской корабльёслэн командир'ёсылэн протесты, куд'ёсыз оканзаться кариськыте блокированноен, но кычэ последствиеостэк кельтэмын.

28 июне японец'ёс Фучжоулэн 25 километр кем северо-восток палазгес десант пуктыны туртскизы но вынужденносье вал асьсэлэн корабльёсазы берытскины. Фуцзянь провинцилэн побережьеэз подвергаться кариське японской авиацилэн ожесточенной бомбардировкаезлы.

Данцигын напряженной положение

Иностранной печать ивортэ, что Данцигын туж напряженной положение. Германской фашист'ёсын городэз оккупировать карон дасяське. 28 июне Данциге Восточной Пруссиись 4 сюрс германской солдат'ёс но офицер'ёс вуизы. 12 июне уйин, озыы ик выгрузить каремын вал Восточной Пруссиись вуэм'ёслэн 16 артиллерийской орудиеосы. Данциглэн территорияз зенитной артиллериеосты пуктылон уж'эс кутскизы. Полициялы но штурмовик'ёслы оружие люкылемын. Данцигской радиостанция штурмовик'ёслэн отрядэнызы басытэмын.

Английской печать ивортэ, что данцигской сенат намерен офици-

ально объявить карыны Данцигез Германия борды огазеян сярысь.

Английской журналист'ёслэн мненизы, Польшалы луэм фактэн яке согласиться кариськоно яке Германилы пумит. война жутоно луоз. Но война луон дыр'я Германия лыд'я, что английской правительство Польшаез защищать уз кары, малы ке шуоно, «агрессилы подвергаться өз кариськы» со.

Польской печать пус'е, что Данцигын али ортычсь военной мероприятиос свидетелствать каро сое, что данцигской фашист'ёс котькычэ мераосын удержат карыны туртско Европаын напряженной положениез.

(ТАСС).

